



Broj: 01/1-50-1-85-40/05

Sarajevo: 31.01.2005.

Z A P I S N I K
sa 40. sjednice Ustavno - pravne komisije

Sjednica je održana 31.01.2005. godine sa početkom u 11,00 sati.

Sjednici su prisustvovali članovi Komisije:

- | | |
|----------------------|------------------------|
| 1. Mirsad Ćeman, | 5. Momčilo Novaković i |
| 2. Tihomir Gligorić, | 6. Seada Palavrić |
| 3. Beriz Belkić, | |
| 4. Ivo Miro Jović, | |

Članovi Komisije Petar Kunić, Martin Raguž i Nijaz Duraković nisu prisustvovali sjednici iz opravdanih razloga.

Sjednici su prisustvovali u ime Vijeća ministara BiH: Nada Matla, Dragan Podinić, Emir Dumirević, Orhan Pašalić i Dragica Miletić, pravobranilac BiH.

Takođe su bili prisutni Sanja Cerovšek iz Ureda registrara i Esada Ćirić iz OHR-a.

Sjednici je prisustvovao sekretar Komisije Milan Zjajić i student stažista Jasmina Sazdovski..

Mirsad Ćeman je pozdravio prisutne, naglasio da je zapisnik sa 39. sjednice sačinjen tek u petak poslije podne, a članovima Komisije dostavljen prije održavanja ove sjednice i kako nije bilo dovoljno vremena da se prouči, te je u odnosu na dnevni red u pozivu, predložio skidanje prve tačke i predložio sljedeći:

D N E V N I R E D

1. Prijedlog zakona o zaduživanju, dugu i garancijama Bosne i Hercegovine, predlažać Vijeće ministara BiH,
2. Prijedlog Poslovnika Predstavničkog doma Parlamentarne skupštine BiH, predlažać Privremena komisija za izradu Poslovnika,
3. Prijedlog odluke o prodaji nepokretnosti, predlažać Vijeće ministara BiH,
4. Prijedlog zakona o izmjenama i dopunama Zakona o krivičnom postupku Bosne i Hercegovine, predlažać Vijeće ministara BiH,
5. Autentično tumačenje člana 14. Zakona o sistemu indirektnog oporezivanja u Bosni i Hercegovini, predlažać Komisija za finasije i budžet Predstavničkog doma,
6. Prijedlozi za izradu Orjentacionog radnog plana Predstavničkog doma za 2005. godinu, akt Kolegija Doma broj: 01-50-3-1075/04 od 29.12.2004.,
7. Ostala pitanja.

Dnevni red je jednoglasno prihvaćen.

Ad. Prijedlog zakona o zaduživanju, dugu i garancijama Bosne i Hercegovine, predlažać Vijeće ministara BiH,

Nakon kraćeg uvodnog izlaganja Nade Matla u ime predlažaća i Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o zaduživanju, dugu i garancijama Bosne i Hercegovine,
2. Ustavni osnov sadržan je u članu III/1 e); članu III/5. a); članu IV/4 a) i članu VIII Ustava Bosne i Hercegovine, kako je naveo predlažać,
3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 2. Prijedlog Poslovnika Predstavničkog doma Parlamentarne skupštine BiH, predlagač Privremena komisija za izradu Poslovnika,

U ime predlagača uvodne napomene je dao član Privremene komisije Momčilo Novaković, a nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Poslovnika Predstavničkog doma Parlamentarne skupštine Bosne i Hercegovine,
2. Ustavni osnov sadržan je u članu IV/3 b) Ustava Bosne i Hercegovine,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijedlog odluke o prodaji nepokretnosti, predlagač Vijeće ministara BiH,

Nakon provedene duže rasprave u kojoj su učestvovali svi prisutni članovi Komisije i predstavnik predlagača pravobranilac Dragica Miletić. Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Odluke o prodaji nepokretnosti (Sjedinjenim Američkim Državama za zgradu ambasade u BiH - u Sarajevu),
2. Ustavni osnov sadržan je u članu IV/4 e) Ustava Bosne i Hercegovine,
3. Obzirom da Bosna i Hercegovina nema zakon koji regulira imovinu Bosne i Hercegovine (državnu imovinu), Ustavno-pravna komisija je mišljenja da je predlagač, u okviru postojećeg pravnog sistema, pravilno zasnovao Prijedlog odluke, posebno imajući u vidu prethodno provedene procedure u pogledu uknjiženja odnosnih nekretnina i drugih prethodnih pravnih pretpostavki za raspolaganje ovom imovinom od strane države Bosne i Hercegovine,
4. Komisija predlaže Predstavničkom domu Parlamentarne skupštine BiH da usvoji Odluku o prodaji nepokretnosti.

Ad. 4. Prijedlog zakona o izmjenama i dopunama Zakona o krivičnom postupku Bosne i Hercegovine, predlagač Vijeće ministara BiH,

Ustavno-pravna komisija je kao nadležna komisija, nakon duže rasprave u kojoj su učestvovali predstavnik predlagača Dragan Podinić i većina članova Komisije, većinom glasova:

1. Podržala principe predloženog zakona,
2. Konstatirala da nije bilo uložениh amandmana.
3. Prihvatila tekst Prijedloga zakona o o izmjenama i dopunama Zakona o krivičnom postupku Bosne i Hercegovine, kako ga je predložio Vijeće ministara BiH i
4. Konstatirala da je predloženi zakon neophodno donijeti.

Ad. 5. Autentično tumačenje člana 14. Zakona o sistemu indirektnog oporezivanja u Bosni i Hercegovini, predlagač Komisija za finansije i budžet Predstavničkog doma,

U dužoj raspravi svi prisutni članovi Komisije su se kritički osvrnuli na Prijedlog autentičnog tumačenja, smatrajući da ponuđeni tekst nije adekvatan i da se ne mogu ograničavati prava parlamentaraca na zakonodavne inicijative, a otvorilo bi se i pitanje ustavnosti odredbi koje su predmet autentičnog tumačenja. Zbog toga je jednoglasno odlučeno da se rasprava odgodi i na taj način da dodatna mogućnost članovima Komisije da detaljnije prouče ponuđeni tekst i eventualno predlože nova rješenja.

Ad. 6. Prijedlozi za izradu Orientacionog radnog plana Predstavničkog doma za 2005. godinu, akt Kolegija Doma broj: 01-50-3-1075/04 od 29.12.2004.,

Nakon provedene rasprave i pojedinačnog predlaganja, Ustavno-pravna komisija Predstavničkog doma je većinom glasova predlaže sljedeće zakonske projekte za Orientacioni radni plan za 2005. godinu:

1. Sve zakone koji proizilaze iz Strategije razvoja Bosne i Hercegovine,
2. Izmjene i dopune Zakona o akcizi,
3. Zakon o tekstu himne Bosne i Hercegovine,
4. Zakon o praznicima i neradnim danima,
5. Zakon o imovini Bosne i Hercegovine,
6. Zakon o restituciji u Bosni i Hercegovini,
7. Zakon o sportu Bosne i Hercegovine,
8. Izmjene i dopune Izbornog zakona Bosne i Hercegovine i
9. Zakon o Auto-moto savezu Bosne i Hercegovine.

Nazivi zakona nisu obavezni, što znači da je Komisija predložila donošenje zakona iz navedenih oblasti, a naziv zakona se može odrediti zavisno od relevantnih principa koje treba imati u vidu.

Pored navedenih zakonskih projekata Komisija je smatrala da je neophodno u Orjentacioni radni plan za 2005. godinu uvrstiti i Informaciju o primjeni zakona.

Naime, imajući u vidu da je Parlamentarna skupština donijela značajan broj zakona, da su, nerijetko, zakoni doneseni po skraćenim ili hitnim procedurama, da su ponekad međusobno neusklađeni i sl., a posebno što praćenje primjene zakona i izvještavanje Parlamentarne skupštine o tome treba postati praksa. Informacije, odnosno izvještaje treba pripremiti po resorima tj. za svaku oblast za koju imamo formirana ministarstva Bosne i Hercegovine.

Dinamiku, odnosno vrijeme rasprave ovih informacija treba predvidjeti za III i IV kvartal 2005. godine.

Ad. 7. Ostala pitanja

Kako nije bilo prijedloga za ovu tačku dnevnog reda, predsjedavajući je u 13,30 sati zaključio sjednicu.

***Napomena:** Sastavni dio ovog zapisnika je stenogram koji sačinjava Zajednička služba Parlamentarne skupštine BiH.*

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Ćeman

